

Broj: 101-1- 313 /26Datum: 9.7.2026 godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), članom 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23), članom 27. stav (2) Pravilnika o javnim nabavkama Univerziteta „Džemal Bijedić“ u Mostaru broj: 101-1-1638/17, a na preporuku Komisije za javnu nabavku broj: 170-3096/26 od 3.7.2026. godine, rektorica Univerziteta „Džemal Bijedić“ u Mostaru donosi

ODLUKU

o izboru najpovoljnijeg ponuđača u postupku javne nabavke „Nabavka i ugradnja otvora za zgradu MO sporta“

I

Prihvata se preporuka Komisije za javnu nabavku u postupku javne nabavke pod nazivom „Nabavka i ugradnja otvora za zgradu MO sporta“, broj: 170-3096/26 od 3.7.2026. godine i ugovor o nabavci i ugradnji otvora u predmetnom postupku se dodjeljuje ponuđaču **„GRADNJA“ d.o.o. Mostar, Mršala Tita 294, 88000 Mostar**, u skladu s ponudom broj: **07-06-57/26 od 22.6.2026. godine.**

II

Ugovor o nabavci se dodjeljuje ponuđaču iz tačke I ove Odluke, sa ukupnom cijenom u iznosu od **19.950,00 KM bez PDV-a.**

III

Izabrani ponuđač je dužan dostaviti dokaze u svrhu dokazivanja činjenica iz člana 45. Zakona o javnim nabavkama BiH („Službeni glasnik BiH“, broj: 39/14, 59/22 i 50/24), potvrđenih u Izjavi iz Aneksa 4 Tenderske dokumentacije u predmetnom postupku, u skladu sa tačkom 14.4. TD u roku od 5 (pet) dana od dana prijema Odluke o izboru najpovoljnijeg ponuđača.

IV

Ugovorni organ će dostaviti na potpis izabranom ponuđaču prijedlog ugovora, i to nakon isteka roka od 15 (petnaest) dana, računajući od dana prijema odluke o izboru najpovoljnijeg ponuđača. Izuzetno, u slučaju da na odluku o dodjeli ugovora u postupku nabavke nema žalbe, ugovorni organ će zaključiti ugovor u roku od 10 dana od dana obavještanja učesnika postupka o izboru najpovoljnijeg ponuđača.

V

Ova Odluka objavljuje se na web stranici Univerziteta, www.unmo.ba istovremeno sa upućivanjem obavještenja ponuđačima koji su učestvovali u postupku javne nabavke, u skladu sa članom 70. stav 6) Zakona o javnim nabavkama („Službeni glasnik BiH“, broj: 39/14, 59/22 i 50/24).



VI

Obavještenje o dodjeli ugovora i Izvještaj o provedenom postupku objavljuje se u skladu sa članom 74. i 75. Zakona o javnim nabavkama („Službeni glasnik BiH“, broj 39/14, 59/22 i 50/24).

Obrazloženje

Odlukom broj: 101-1-2519/26 od 10.6.2026. godine pokrenut je postupak javne nabavke otvora za zgradu MO sporta u kampusu Univerziteta, putem konkurentskog zahtjeva. Komisija za provođenje postupka javne nabavke, imenovana je Odlukom broj: 101-1-2520/26 od 10.6.2026. godine

U skladu sa Odlukom o pokretanju javne nabavke ukupna procijenjena vrijednost nabavke bez PDV-a iznosi 20.000,00 KM. Obavještenje o nabavci broj: 66-7-1-114-3-43/26 objavljeno je na portalu javnih nabavki dana 11.6.2026. godine zajedno sa Tenderskom dokumentacijom broj: 101-1-2552/26.

U skladu sa Tenderskom dokumentacijom i obavještenjem o nabavci dana 24.6.2026. godine sa početkom u 10:00 sati održano je javno otvaranje ponuda. U predviđenom roku za prijem ponuda (24.6.2026. godine do 09:30 sati) zaprimljeno je 5 (pet) ponuda kako slijedi:

Rb.	Broj protokola	Naziv/ime ponuđača (šifra)	Datum i sat prijema
1.	180-2839/26	MEGA-ROLL d.o.o.	11.6.2026. u 11:35 sati
2.	180-2888/26	YAVUZ COMPANY d.o.o.	22.6.2026. u 9:35 sati
3.	180-291326	HDI d.o.o.	23.6.2026. u 10:16 sati
4.	180-2933/26	GTR d.o.o.	24.6.2026. u 8:50 sati
5.	180-2934/26	GRADNJA d.o.o.	24.6.2026. u 8:58 sati

Nakon izvršenog pregleda ponuda, Komisija je konstatovala sljedeće:

Ponuda ponuđača „MEGA-ROLL” d.o.o. Gračanica je ocijenjena kao nepravilna jer nije potpuna i ne ispunjava zahtjeve iz tenderske dokumentacije, te se odbacuje u skladu sa članom 68. stav (4) tačka i) Zakona o javnim nabavkama BiH.

Tačkom 16.1. b) TD u predmetnom postupku propisano je da su ponuđači, u skladu sa članovima 48. 49. Zakona o javnim nabavkama dužni ispuniti, između ostalog, sljedeće minimalne uslove:

b) da ponuđena roba odgovara tehničkim specifikacijama navedenim u Aneksu 3.

Tačkom 16.2. Tenderske dokumentacije propisan je način dostavljanja tehničke specifikacije ponuđene robe, iz čega se **jasno može utvrditi proizvođač i model proizvoda koji se nudi, te da ponuđena roba odgovara zahtijevanoj tehničkoj specifikaciji.**



Komisija je prilikom ocjene ponude ustanovila da je ponuđač „MEGA-ROLL“ d.o.o. na stranici 31. svoje ponude dostavio tehničku specifikaciju ponuđenog proizvoda za stavku 1. specifikacije – PVC dvokrilni prozor, koja nije kompletna. U istoj je navedeno sljedeće: „**Skoro** svaki prozor i balkonska vrata se otvaraju i kipuju“ što nije prihvatljivo za ugovorni organ jer se izričito zahtijevala mogućnost otvaranja i kipovanja krila, tako da nije dokazano da ponuđeni profil ima tu mogućnost. Nadalje, iz dostavljene specifikacije nije vidljiv koeficijent prolaza toplote kompletnog prozora za stavku 1, koji je zahtijevan: „koeficijent prolaza toplote kompletnog prozora $U_w \leq 1,4 \text{ W/m}^2$ “

Ponuđač u ponudi nije uopće dostavio tehničku specifikaciju za stavke 2. i 3. TD (vanjske aluminijske klupice i aluminijska vrata).

Ponuđači su dužni, u skladu sa članom 57. stav 1) Zakona o javnim nabavkama BiH i tačkom 19. TD u predmetnom postupku, pridržavati se zahtjeva i uslova iz tenderske dokumentacije. Na osnovu svega navedenog, komisija je ocijenila ponudu kao nepravilnu jer nije potpuna i ne ispunjava zahtjeve iz tenderske dokumentacije, te se odbacuje u skladu sa članom 68. stav (4) tačka i) Zakona o javnim nabavkama BiH.

Ponuda ponuđača „YAVUZ COMPANY“ d.o.o. Srebrenik je ocijenjena kao nepravilna jer nije potpuna i ne ispunjava zahtjeve iz tenderske dokumentacije, te se odbacuje u skladu sa članom 68. stav (4) tačka i) Zakona o javnim nabavkama BiH.

Tačkom 16.1. b) TD u predmetnom postupku propisano je da su ponuđači, u skladu sa članovima 48. i 49. Zakona o javnim nabavkama dužni ispuniti, između ostalog, sljedeće minimalne uslove:

b) da ponuđena roba odgovara tehničkim specifikacijama navedenim u Aneksu 3.

Tačkom 16.2. Tenderske dokumentacije propisan je način dostavljanja tehničke specifikacije ponuđene robe, iz čega se **jasno može utvrditi proizvođač i model proizvoda koji se nudi, te da ponuđena roba odgovara zahtijevanoj tehničkoj specifikaciji.**

Komisija je prilikom ocjene ponude ustanovila da ponuđač „YAVUZ COMPANY“ d.o.o. u dostavljenoj specifikaciji nije dokazao da ostakljenje ima sljedeće karakteristike, odnosno dostavljena specifikacija se odnosi samo na profil, ne i na ostakljenje kako slijedi:

Za stavku 1 traženo: „dvoslojno termoizolaciono staklo, sastav stakla 4/16/4 mm, niskoemisioni (Low-E) premaz, koeficijent prolaza toplote stakla $U_g \leq 1,1 \text{ W/m}^2\text{K}$ “

Za stavku 3 traženo: „dvoslojno termoizolaciono staklo 4/16/4, Low-E premaz, termoizolacioni panel debljine 36 mm“.

Nadalje, iz dostavljene specifikacije nije vidljiv koeficijent prolaza toplote kompletnog prozora za stavku 1, koji je zahtijevan: „koeficijent prolaza toplote kompletnog prozora $U_w \leq 1,4 \text{ W/m}^2$ “



Ponuđači su dužni, u skladu sa članom 57. stav 1) Zakona o javnim nabavkama BiH i tačkom 19. TD u predmetnom postupku, pridržavati se zahtjeva i uslova iz tenderske dokumentacije. Na osnovu svega navedenog, komisija je ocijenila ponudu kao nepravilnu jer nije potpuna i ne ispunjava zahtjeve iz tenderske dokumentacije, te se odbacuje u skladu sa članom 68. stav (4) tačka i) Zakona o javnim nabavkama BiH.

Ponuda ponuđača „HDI” d.o.o. Sarajevo je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije.

Ukupna cijena ponude iznosi 19.996,00 KM bez PDV-a. Ponuđač nije dao popust na cijenu.

Ponuda ponuđača „GTR” d.o.o. Mostar je ocijenjena kao nepravilna jer nije potpuna i ne ispunjava zahtjeve iz tenderske dokumentacije, te se odbacuje u skladu sa članom 68. stav (4) tačka i) Zakona o javnim nabavkama BiH.

Tačkom 16.1. b) TD u predmetnom postupku propisano je da su ponuđači, u skladu sa članovima 48. i 49. Zakona o javnim nabavkama dužni ispuniti, između ostalog, sljedeće minimalne uslove:

b) da ponuđena roba odgovara tehničkim specifikacijama navedenim u Aneksu 3.

Tačkom 16.2. Tenderske dokumentacije propisan je način dostavljanja tehničke specifikacije ponuđene robe, iz čega se **jasno može utvrditi proizvođač i model proizvoda koji se nudi, te da ponuđena roba odgovara zahtijevanoj tehničkoj specifikaciji.**

Komisija je prilikom ocjene ponude ustanovila da ponuđač „GTR” d.o.o. u dostavljenoj specifikaciji nije dokazao da ostakljenje ima sljedeće karakteristike, odnosno dostavljena specifikacija se odnosi samo na profil, ne i na ostakljenje kako slijedi:

Za stavku 1 traženo: „dvoslojno termoizolaciono staklo, sastav stakla 4/16/4 mm, niskoemisioni (Low-E) premaz, koeficijent prolaza toplote stakla $U_g \leq 1,1 \text{ W/m}^2\text{K}$ ”

Za stavku 3 traženo: „dvoslojno termoizolaciono staklo 4/16/4, Low-E premaz, termoizolacioni panel debljine 36 mm”

Ponuda ponuđača „GRADNJA” d.o.o. Mostar je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije.

Ukupna cijena ponude iznosi 19.950,00 KM bez PDV-a. Ponuđač nije dao popust na cijenu.

Nije bilo osnova za ispravku računskih grešaka u kompletnim i prihvatljivim ponudama.



Tačkom 28. Tenderske dokumentacije bilo je predviđeno održavanje e-aukcije te je nakon provedenog postupka e-aukcije, u skladu s Izvještajem o toku i završetku e-aukcije od 3.7.2026. godine, utvrđena konačna rang lista ponuđača kako slijedi:

1. „GRADNJA” d.o.o. Mostar s ukupnom cijenom ponude u iznosu od 19.950,00 KM bez PDV-a,
2. „HDI” d.o.o. Sarajevo s ukupnom cijenom ponude u iznosu od 19.996,00 KM bez PDV-a.

Komisija za javnu nabavku jednoglasno daje preporuku rektorici Univerziteta da se donese odluka o izboru najpovoljnijeg ponuđača, te da se ugovor o nabavci **dodijeli ponuđaču „GRADNJA” d.o.o. Mostar, sa ukupnom cijenom ponude u iznosu od 19.950,00 KM bez PDV-a.**

Komisija je jednoglasno utvrdila da je ponuda prihvatljiva i u skladu s tenderskom dokumentacijom, te je nakon održane e-aukcije ocijenjena kao najpovoljnija u skladu s postavljenim kriterijem najniža cijena.

Ovom odlukom prihvaćen je prijedlog komisije. U postupku donošenja Odluke posebno su cijenjene činjenice da je Komisija za javne nabavke pravilno i potpuno dala ocjenu prispjelih ponuda kao i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom. Na osnovu svega navedenog, odlučeno je kao u dispozitivu ove odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa najkasnije u roku od 5 (pet) dana od dana prijema ove Odluke, u pisanoj formi direktno ili putem preporučene poštanske pošiljke, sve u skladu sa odredbama članova 99-108. Zakona o javnim nabavkama BiH.

REKTORICA

prof. dr. Alena Huseinbegović

Dostaviti:

1. „MEGA-ROLL” d.o.o. Gračanica
2. „YAVUZ COMPANY” d.o.o. Srebrenik
3. „HDI” d.o.o. Sarajevo
4. „GTR” d.o.o. Mostar
5. „GRADNJA” d.o.o. Mostar
6. U predmet
7. a/a